



Igama likadadewethu nguResego.

Undishiya ngeminyaka emibini.

Ungusisi wam.



UResego uyandincedisa ekunxibeni iimpahla zesikolo xa ndisiya esikolweni kusasa.



Uyandikhapha xa ndisiya esikolweni yonke imihla.

Kodwa namhlanje uResego akaphilanga.



Usisi wam uyagula.

Owu! Ndiza kwenza njani?

Andonwabanga tu!



Endleleni eya esikolweni ndadibana noTumi.

Sahamba kunye.

Loo nto yandenza ndaziva ndihlaziyekile.



Esikolweni utitshala wandiculela ingoma.

Loo nto yandenza ndaziva ndichulumancile.



Ngexesha lokudlala uBoipelo wadlala nam.

Loo nto yandenza ndachulumanca ngakumbi.



Ekupheleni kwemini ndandiyeyona ntombi ichulumancileyo esikolweni.

Ingathi andisafiki ekhaya ndizokubalisela udadewethu!